

# Канон покаянный ко Господу нашему Иисусу Христу

Молитвами святых отец наших, Господи Иисусе Христе Боже наш, помилуй нас. Аминь.

Трисвятое. Пресвятая Троице: Слава, и ныне: Отче наш: Господи, помилуй. (12 раз.) Слава, и ныне: Приидите, поклонимся (Трижды.)<sup>1</sup>  
Псалом 50.

## КАНОН, глас 6-й

### Песнь 1

*Ирмос:* Яко по сѹху пешешествовав Израиль, по бѣдне стопами, гонителя фараона видя потопляема, Богу побѣдную песнь поим, вопияше.

Припев: Помилуй мя, Боже, помилуй мя.

Ныне приступих аз грешный и обремененный к Тебѣ, Владыце и Богу моему; не смею же взирати на небо, токмо молюся, глаголя: даждь ми, Господи, ум, да плачуся дел моих горько.

Помилуй мя, Боже, помилуй мя.

О, горе мне грешному! Паче всех человек окаянен есмь, покаяния несть во мне; даждь ми, Господи, слезы, да плачуся дел моих горько.

Слава: Безумне, окаянне человеце, в лености время губиши; помысли житие твое, и обратися ко Господу Богу, и плачися о делех твоих горько.

И ныне: Мати Божия Пречистая, возри на мя грешного, и от сѣти диаволи избави мя, и на путь покаяния настави мя, да плачуся дел моих горько.

### Песнь 3

*Ирмос:* Несть свят, якоже Ты, Господи Боже мой, вознесый рог верных Твоих, Блаже, и утвердивый нас на камени исповѣдания Твоего.

Помилуй мя, Боже, помилуй мя.

Внегда поставлени будут престолы на Судищи Страшнем, тогда всех человек дела обличатся; горе тамо будет грешным, в муку отсылаемым; и то ведущи, душе моя, покайся от злых дел твоих.

Помилуй мя, Боже, помилуй мя.

Праведницы возрадуются, а грешнии восплачутся, тогда никтоже возможет помощи нам, но дела наша осудят нас, темже прежде конца покайся от злых дел твоих.

---

<sup>1</sup> Полный текст этих молитв см в разделе «Молитвы утренние»

**Слава:** Увы́ мне великогрѣшному, иже дѣлы и мы́сльми оскверни́вся, ни капли слез имѣю от жестосѣрдия; ны́не возникни от земли́, душе́ моя́, и пока́йся от злых дел твои́х.

**И ныне:** Се, зываетъ, Госпоже́, Сын Твой, и поучаетъ нас на дѣброе, аз же грѣшный добра́ всегда́ бѣгаю; но Ты, Милостивая, помилуй мя, да покаю́ся от злых мои́х дел.

Господи, помилуй. (*Трижды.*)

### *Седален, глас 6-й*

Помышляю́ день стра́шный и пла́чуся дея́ний мои́х лука́вых: како́ отвецаю́ Безсме́ртному Царю́, или́ ко́им дерзнове́нием воззрю́ на Судию́, блу́дный аз? Благоутро́бный Отче, Сы́не Единоро́дный и Ду́ше Святы́й, помилуй мя.

**Слава, и ныне:** *Богородичен:*

Свя́зан мно́гими ны́не плени́цами грехо́в и содержи́мь лю́тыми страстьми́ и беда́ми, к Тебе́ прибегаю́, моему́ спасе́нию, и вопию́: помози́ ми, Де́во, Ма́ти Бо́жия.

### *Песнь 4*

*Ирмос:* Христос́ моя́ сила, Бог и Господь, честна́я Це́рковь боголе́пно поёт, зыва́ющи от смы́сла чи́ста, о Го́споде празднующи.

Помилуй мя, Бо́же, помилуй мя.

Широ́к путь zde и уго́дный сла́сти твори́ти, но го́рько бу́дет в послѣдний день, егда́ душа́ от те́ла разлуча́тися бу́дет: блюди́ся от сих, челове́че, Ца́рствия ра́ди Бо́жия.

Помилуй мя, Бо́же, помилуй мя.

Почто́ убо́гаго оби́диши, мзду наёмни́чу уде́ржуеши, брата́ твоего́ не люби́ши, блуд и го́рдость го́ниши? Оста́ви у́бо сия́, душе́ моя́, и пока́йся Ца́рствия ра́ди Бо́жия.

**Слава:** О, безу́мный челове́че, доко́ле углеба́еши, яко́ пчела́, собира́ющи бога́тство твое́? Вско́ре бо поги́бнет, яко́ прах и пѣпел: но бо́лее взыщи́ Ца́рствия Бо́жия.

**И ныне:** Госпоже́ Богороди́це, помилуй мя грѣшного, и в добродѣтели укрепи́, и соблюди́ мя, да на́глая смерть не похи́тит мя негото́ваго, и доведи́ мя, Де́во, Ца́рствия Бо́жия.

### *Песнь 5*

*Ирмос:* Бо́жиим све́том Твои́м, Бла́же, у́тренюющих Ти ду́ши любóвию озари́, молю́ся, Тя ве́дети, Сло́ве Бо́жий, истиннаго Бо́га, от мра́ка грехо́внаго зыва́юща.

Помилуй мя, Бо́же, помилуй мя.

Вспомяни́, ока́янный челове́че, како́ лжам, клеветамъ, разбо́ю, немо́щем, лю́тым зверём, грехо́в ра́ди порабо́щен еси́; душе́ моя́ грѣшная, того́ ли восхотѣла еси́?

Помілуй мя, Бóже, помілуй мя.

Трепéщут ми ўди, всіми бо сотвори́х вину́: очіма взира́й, ушіма слы́шай, язы́ком злая́ глаго́лай, всего́ себе́ ге́не преда́й; ду́ше моя́ грéшная, сего́ ли восхотéла еси́?

Слава: Блудника́ и разбо́йника ка́ющася прия́л еси́, Спа́се, аз же еди́н лéностию грехо́вною отягчи́хся и злым деломъ́ поработи́хся, ду́ше моя́ грéшная, сего́ ли восхотéла еси́?

И ныне: Дивная́ и ско́рая помо́щнице всем челове́ком, Ма́ти Бóжия, помози́ мне недосто́йному, ду́ше бо моя́ грéшная того́ восхотé.

### *Песнь 6*

*Ирмос:* Жите́йское мо́ре, воздвиза́емое зря напáстей бурею́, к т́ихому приста́нищу Твоему́ прите́к, вопию́ Ти: возведи́ от тли живо́т мой, Многоми́лостиве.

Помілуй мя, Бóже, помілуй мя.

Жити́е на землѣ блу́дно пожих́ и ду́шу во тьму преда́х, ны́не ўбо молю́ Тя, Ми́лостивый Влады́ко: свободи́ мя от рабо́ты сея́ вра́жия, и даждь ми ра́зум твори́ти во́лю Твою́.

Помілуй мя, Бóже, помілуй мя.

Кто твори́т тако́вая, я́коже аз? Я́коже бо свини́я лежи́т в калу́, та́ко и аз греху́ служу́. Но Ты, Го́споди, исторгни́ мя от гну́са сего́ и даждь ми се́рдце твори́ти за́поведи Твоя́.

Слава: Восприя́ни, окая́нный челове́че, к Бо́гу, воспомина́в своя́ согрешéния, припа́дая ко Творцу́, слезя́ и стени́; Той же, я́ко милосе́рд, даст ти ум зна́ти во́лю Свою́.

И ныне: Богоро́дице Де́во, от ви́димаго и неви́димаго зла сохрани́ мя, Пречи́стая, и приими́ моли́твы моя́, и донеси́ я́ Сы́ну Твоему́, да даст ми ум твори́ти во́лю Его́.

Господи, помилуй. (*Трижды.*) Слава, и ныне:

### *Кондак*

Ду́ше моя́, почто́ грехами́ богатееши, почто́ во́лю диаво́лу твори́ши, в чесомъ́ наде́жду полага́еши? Престáни от сих́ и обрати́ся к Бо́гу с пла́чем, зову́щи: милосе́рде Го́споди, помілуй мя грéшнаго.

### *Икос*

Помы́сли, ду́ше моя́, го́рький час сме́рти и стра́шный суд Творца́ твоего́ и Бо́га: Ангели́ бо гро́знии по́ймут тя, ду́ше, и в вéчный огнь введу́т: ўбо пре́жде сме́рти пока́йся, вопию́щи: Го́споди, помілуй мя грéшнаго.

## *Песнь 7*

*Ирмос:* Росодательну ўбо пещь содела Ангел преподобным отроком, халдеи же опаляющее веление Божие, мучителя увещая вопити: благословен еси, Боже отец наших.

**Помилуй мя, Боже, помилуй мя.**

Не надейся, душе моя, на тленное богатство и на неправедное собрание, вся бо сия не веши кому оставиши, но возопий: помилуй мя, Христе Боже, недостойного.

**Помилуй мя, Боже, помилуй мя.**

Не уповай, душе моя, на телесное здравие и на скоромимоходящую красоту, видиши бо, яко сильние и младии умирают; но возопий: помилуй мя, Христе Боже, недостойного.

Слава: Воспомяни, душе моя, вечное житие, Царство Небесное, уготованное святым, и тьму кромешную и гнев Божий злым, и возопий: помилуй мя, Христе Боже, недостойного.

И ныне: Припади, душе моя, к Божией Матери и помолися Той, есть бо скорая помощница кающимся, умолит Сына Христа Бога, и помилует мя недостойного.

## *Песнь 8*

*Ирмос:* Из пламене преподобным росу источил еси и праведнаго жертву водою попалил еси: вся бо творяши, Христе, токмо еже хотети. Тя превозносим во вся веки.

**Помилуй мя, Боже, помилуй мя.**

Како не имам плакаться, егда помышляю смерть, видех бо во гробе лежаща брата моего, безславна и безобразна? Что ўбо чаю, и на что надеюсь? Токмо даждь ми, Господи, прежде конца покаяние. (Дважды)

Слава: Верую, яко приидеши судити живых и мертвых, и вси во своем чину станут, старии и младии, владыки и князи, девы и священницы; где обрящуся аз? Сего ради вопию: даждь ми, Господи, прежде конца покаяние.

И ныне: Пречистая Богородице, прими недостойную молитву мою и сохрани мя от наглыя смерти, и даруй ми прежде конца покаяние.

## *Песнь 9*

*Ирмос:* Бога человеком невозможно видети, на Негоже не смеют чини Ангельстии взирати; Тобою же, Всечистая, явися человеком Слово Воплощенно, Егоже величающе, с небесными вои Тя ублажаем.

**Помилуй мя, Боже, помилуй мя.**

Ныне к вам прибегаю, Ангели, Архангели и вся небесныя силы, у Престола Божия стоящие, молитесь ко Творцу своему, да избавит душу мою от муки вечныя.

Помілуй мя, Бо́же, помілуй мя.

Ны́не пла́чуся к вам, святы́и патриарси, ца́рие и проро́цы, апо́столи и святителие и вси избра́ннии Христо́вы: помози́те ми на суде́, да спасе́т ду́шу мою́ от си́лы вра́жия.

Слава: Ны́не к вам воздежу́ ру́це, святы́и му́ченицы, пусты́нницы, де́вственницы, пра́ведницы и вси святы́и, моля́щиися ко Го́споду за весь мир, да помілуе́т мя в час сме́рти моея́.

И ны́не: Ма́ти Бо́жия, помози́ ми, на Тя си́льне наде́ющемуся, умоли́ Сы́на Своего́, да поста́вит мя недосто́йнаго одесну́ю Себе́, егда́ сяде́т судя́й живы́х и ме́ртвых. Ами́нь.

### *Молитва*

Влады́ко Христе́ Бо́же, Иже страстьми́ Своими́ стра́сти моя́ исцели́вый и я́звами Своими́ я́звы моя́ уврачева́вый, да́руй мне, мно́го Тебе́ прегрешившему, слезы́ умиле́ния; сраствори́ моему́ те́лу от обоня́ния Животворя́щего Те́ла Твоего́, и наслади́ ду́шу мою́ Твоею́ Честно́ю Кро́вию от го́рести, е́юже мя сопроти́вник напои́; возвы́си мой ум к Тебе́, до́лу поникши́й, и возведи́ от про́пасти поги́бели: я́ко не има́м пока́яния, не има́м умиле́ния, не има́м слезы́ утешительны́я, возводя́щая ча́да ко своему́ насле́дию. Омрачи́хся умомъ в житейскихъ страстехъ, не могу́ възрети́ к Тебе́ в болѣзни, не могу́ согрѣтися слезами́, я́же к Тебе́ любве́. Но, Влады́ко Го́споди Иису́се Христе́, сокрови́ще благихъ, да́руй мне пока́ние всеце́лое и се́рдце люботру́дное во взыска́ние Твое́, да́руй мне благода́ть Твою́ и обнови́ во мне зра́ки Твоего́ о́браза. Оста́вих Тя, не оста́ви мене́; изы́ди на взыска́ние мое́, возведи́ к па́жити Твое́й и сопричти́ мя овца́м избра́ннаго Твоего́ ста́да, воспита́й мя с ни́ми от зла́ка Божественныхъ Твои́х Та́инств, моли́твами Пречи́стыя Твоея́ Ма́тере и всехъ святы́х Твои́х. Ами́нь.

Досто́йно есть́ я́ко войсти́ну блажи́ти Тя Богоро́дицу, Присноблаже́нную и Пренепоро́чную и Ма́терь Бо́га на́шего. Честне́йшую Херуви́м и сла́внейшую без сравне́ния Серафи́м, без истле́ния Бо́га Сло́ва ро́ждшую, су́щую Богоро́дицу Тя велича́ем. *(Поклон)*

Сла́ва, и ны́не: Го́споди, помілуй. *(Трижды.)* Господи, благослови.

Го́споди, Иису́се Христе́, Сы́не Бо́жий, моли́твами Пречи́стыя Твоея́ Ма́тере, преподо́бныхъ и богоносныхъ оте́ц на́ших и всехъ святы́х помілуй и спаси́ нас, я́ко Благ и Человеколю́бец. Ами́нь.